

百
家

第
七
種

雪
雅
堂
醫
案
全

附
類
中
秘
旨

中華民國九年夏月排版定價每冊

雪雅堂醫案全

紹興醫藥學報社發行

孫興醫藥學雜誌

版藏紹
興裘氏

中華民國六年夏月特刊



國醫百家家

第七種

雪雅堂醫案要提

本書爲山左張伯龍君手著案中
有南人北人體質之不同用藥
亦輕重有別足爲後學模範卷末
附類中秘旨尤爲發前人所未
發蓋張君本深得岐黃奧旨者嗣
又從蜀中唐容川先生遊遂成
名家唐著中西滙通五種中本草
問答一種即君與唐先生師弟
討論之文也則本書之價值可想
而知矣惜書無覓處經社友周
小農君轉向滬上老友倪銘三君
假得初本付社刊行現已出版
仍用白連史紙印刷本國式裝訂
兩厚冊定價七角紹興醫藥學

報社發行

國醫百名家

第八種
眼科
預明簡

學

科
告

簡

預

眼科爲醫學之專科不特病者無檢書自療之便卽內科醫家設治立方亦往往毫釐千里社友王肖舫康燮忱二君本精於是科者憫世之患眼疾者謀便利並爲業內科者謀治目方法特選眼科中善本程松崖先生遺著眼科全方集一書互相評按增圖加方各出心得抉發精微本社特刊入國醫百家以期流傳書已付印特先預告一俟出版當登醫報廣告

採刊國醫百家凡例

一本書專採未刊先輩遺稿及已刊亡版孤本之發明國醫學者次第排印以期流傳

一各地同志之將前項書稿寄贈或價讓者即當隨時付印其先後無分軒輊

一同人本有醫藥叢書之刻(第一二集已經發行)所收亦係前項書稿奈因寄件積多刻工迂緩故加是刊惟叢書不限收國醫學

一本書所採各書准各省書肆翻印發行如願附印者亦祇收紙印本價不取他利

一同人限於棉力刊行本書每種僅以初印售完爲止

一每種定價均按印行時紙料工價核算比較或有差次購者諒之

一凡各省圖書館閱報社暨醫會會員同時并購兩部者加贈一部零購

概不折扣

一購書者將書價照定碼零加郵力一成一併用郵匯最為妥便不通郵

一匯之處以郵票代銀亦可但須固封掛號直寄紹興醫藥學報社收當

班奉書不悞

印以限流新

一本書裝封未氏式裝其式口氏之類本之裝即國醫學答大策其

裝汗國醫百案只例

一俟出版當登報廣告

雪雅堂醫案序

儒有定理醫無定法病情萬變難守一宗設如皖之與蘇相去匪遙體氣各別遑論北滿蒙古之療寒南洋星洲之治熱五帶異宜各別其施已哉梁新會曰中國方言城鄉易地則異粵之人有邑與村不能通一言者方言然水土方民亦莫不然其能南北異治不守一隅之見蓋鮮也前清光緒間余旅寓上海於友人齋頭得閱張伯龍先生雪雅堂醫案知君爲魯省蓬萊籍壯游半天下北起東省中經申江南至百粵雖其自叙服膺葉王二家爲最而實貫串百家神明變化不拘一說玩誦再三令人景仰難忘顧偏查坊間無此書流通十餘年來遇魯省醫友託其採訪亦杳無所得煙台且傳言張君已歸道山憶杜威博士有云教育所以不可少因人有生必有死人死而經驗學問與之俱亡後世之人必須重新經驗故教

育云者將此經驗傳遞下去是也余因此感想前輩著書之經驗若任其湮沒吾人必增一番探討於是覓書之念愈不能已今幸在滬壻倪君銘三處得其原刻假錄一過 裘君吉生讀而善之謀付剞劂風行海內以公同好張君經驗學識足以不朽矣謹按張君身世於中西滙通一書內已見一斑唐著本草問答叙云遊粵得遇張君伯龍天姿英敏文史淹通其父墨園曾膺張香帥保薦循吏政治勞心每生疾痰伯龍以人子須知醫寢饋方書於今數年會父患時疾羣醫束手君卽起之由是聲名鵲起與余邂逅相遇便留講貫等云是蓋唐容川氏入室高弟也其本草問答亦本張君之問而著攷醫案用藥寒熱溫涼隨其南北風土人體強弱不偏不倚大可研究原序所謂足跡所至之地訪問高明之士無不深相結納宜其融會貫通著手成春視鄉曲之士墨守師傅範圍甚小以彼例此

其相去霄壤爲何如耶學者探索而敏求之必能於此道放大光明爲蒼
生造福無窮也此序

中華民國九年庚申一月

無錫周 鎮小農別署伯華謹識

一、...
 二、...
 三、...
 四、...
 五、...
 六、...
 七、...
 八、...
 九、...
 十、...

雪雅堂醫案原序

醫難者乎醫至難也萬病紛歧人命係焉孔聖所以有未達不敢嘗之慎
醫易者乎醫誠易也略涉醫經工於應酬即可出而問世世卽以高手推
許之將聖賢濟世之深心視爲謀食之捷徑而高明者恥與此輩爲伍更
深自韜晦而不肯輕以示人此業醫者愈多而醫道反愈衰良可慨也余
幼因家庭多疾究心歧黃十餘年於茲矣凡足跡所經之地訪聞高明之
士無不深相結納以爲師資之助故余之學得諸讀書者半得諸閱歷者
半而生平服膺得力者尤以葉天士王孟英兩家爲最頻年遭於憂患無
復雄心隨將此事置諸高閣今秋僑居燕臺偶檢行篋尙有錄存前數年
醫案一宗擇其純正者編爲兩卷雖不敢云得醫學之正宗然偏執矯枉
之弊自信幸免爰就棗梨以裨來學知我罪我其春秋乎其當與否自有

能辨之者

光緒二十九年八月蓬萊張士驥序

夫醫道之難明也久矣。其於世也。不啻云霧。醫學之五宗。然補、瀉、汗、吐、下、和。其於世也。不啻水火。醫者之於世也。不啻風雨。醫者之於世也。不啻雷霆。醫者之於世也。不啻日月。醫者之於世也。不啻星辰。醫者之於世也。不啻山川。醫者之於世也。不啻草木。醫者之於世也。不啻鳥獸。醫者之於世也。不啻魚鱉。醫者之於世也。不啻蟲蛇。醫者之於世也。不啻鬼神。醫者之於世也。不啻天地。醫者之於世也。不啻宇宙。醫者之於世也。不啻萬物。醫者之於世也。不啻一切。醫者之於世也。不啻無所。醫者之於世也。不啻無不。醫者之於世也。不啻無時。醫者之於世也。不啻無處。醫者之於世也。不啻無事。醫者之於世也。不啻無物。醫者之於世也。不啻無人。醫者之於世也。不啻無我。醫者之於世也。不啻無他。醫者之於世也。不啻無所。醫者之於世也。不啻無不。醫者之於世也。不啻無時。醫者之於世也。不啻無處。醫者之於世也。不啻無事。醫者之於世也。不啻無物。醫者之於世也。不啻無人。醫者之於世也。不啻無我。醫者之於世也。不啻無他。

雪齋堂醫案

凡例

一是案仿編年之例自光緒甲午年起至癸卯年止去其蕪雜瑣碎者共存八百餘案又類中秘旨一篇附於全案之末

一方案不分門類仍沿昔日錄存之舊庶統觀前後亦可覘學問之消長也

一地有南北之殊人有強弱之分病有輕重之別所以古人用藥分兩輕重原難預定故有載分兩者有不載分兩者一仍昔日錄存之舊

一全案不加圈點免蹈明代陋習因文知義明眼人自能辨之

一所有藥味炮製一概不註知醫者自能明之

一全案粵省者居其半申江東省者居其半閱者可以知南北用藥之殊

一金石之藥重以鎮怯原用其氣非用其質如龍骨牡蠣之類一經煨煉便成枯灰焉能治病故龍骨牡蠣磁石石英青鉛赭石之類均用生者以遵古法

一臨症醫案原爲病家而設均遵簡明之例深文奧義一概不用俾病家一目瞭然

雪雅堂醫案卷上

蓬萊張士驤伯龍著

無錫周 鎮小農別署伯華參閱

無錫周 源逢儒重錄

紹興裘慶元吉生校刊

肺傷於燥嗽喘復作擬以石葦湯加減

苦杏仁 川石葦 象貝母 東沙參 枇杷葉 杭菊花

生百合 冬桑葉 紫丹參

牙痛口渴陽明有餘少陰不足採用玉女煎意

大生地 淮牛膝 生石膏 白茯苓 粉丹皮 生白芍

鹽知母 大麥冬

肺熱咽痛乾咳治以桑菊加減

冬桑葉 大元參 杭菊花 生薏米 蟬脫肚 天竺黃

浙貝母 乾葦根 乾梨皮

脈細濡左寸沉軟心悸跳蕩烙熱寐則汗出心覺下墜咽中如阻病由陰虛陽氣撼擾水火不能既濟內傷之症斷無一蹴可幾之理

西洋參 二錢 酸棗仁 三錢 生磁石 五錢 塊辰砂 三錢

黑大棗 四枚 柏子仁 三錢 杭白芍 錢半 生牡蠣 五錢

浮小麥 五錢 補心丹 五錢(另服)

兩關大象未解腹痛下痢法宜和中

川厚樸 陳枳殼 雲茯苓 小川連 廣木香 焦穀芽

車前子 赤芍藥 大腹皮

右脈弦大而虛積滯已淨當以六君扶元劑中佐以抑木立局

生潞黨 雲茯苓 杭白芍 白蒺藜 製香附 舊陳皮

漂白朮 炙甘草 法半夏

木火上凌乾咳易怒治應兩清金木

冬桑葉 刺蒺藜 南杏仁 羚羊角 杭菊花 北沙參

紫丹參 桑白皮 川貝母 代赭石

陳旭庭 水虛不能涵木木火上炎齒痛甚於暮夜引火歸原是議

舊熟地 六錢 粉丹皮 錢半 津澤瀉 錢半 生白芍 三錢

白茯苓 三錢 刺蒺藜 三錢 淮牛膝 三錢 安邊桂 三分

王芑香 清陽不升肺氣堵塞故每感即咳嗽頭脹鼻淵不止東垣云思慮多則肝

熱腦虛易成鼻淵衛虛易感應以玉屏風加減主之

生黃耆 錢半 炙升麻 三分 仙半夏 錢半 青防風 一錢

苦杏仁 三錢 冬桑葉 三錢 香白芷 五分 白茯苓 三錢

大防黨 三錢 薄荷尖 五分

鄭海秋之千金年十一歲患胃寒作痛十餘日約余診胃腕及腹痛疼不堪食入則吐喜飲冷水頃復吐出嘔吐紅綠水身熱面赤頭昏痛口乾而舌苔白潤小便清兩手脈大重按則無應以真寒假熱論治大建中合吳萸四逆等法治之

真川椒 二錢 川干姜 四錢 大防黨 五錢 製半夏 五錢

泡吳萸 二錢 公丁香 錢半 炙甘草 二錢 豬胆汁 半匙

再診諸症均退不熱不嘔略可飲食惟餘頭昏腹微痛脈之浮大已退變為沉遲無力仍以前法消息之

製半夏 三錢 泡吳萸 一錢 炒白朮 三錢 米黨參 四錢

全歸身 二錢 川干姜 錢半 真川椒 錢半 公丁香 一錢

炙甘草 一錢

福蘭庭 脈來弦滑痰凝經絡培元劑中兼以滌痰立局

潞黨參 六錢 焦白芍 三錢 飛青黛 三錢 雲茯苓 二錢

小川連 一錢 於潛朮 三錢 代赭石 三錢 炙甘草 一錢

寸關浮數風火客於陽明晡後身熱法宜清解

金銀花 連翹心 象貝母 生甘草 冬前胡 淡黃芩

淡豆豉 黑山梔 牛蒡子

李菊翁 左寸關弦大風木鬱而不達氣機堵塞不思納穀應以逍遙散加減治之

醋柴胡 製香附 炙甘草 於潛朮 全當歸 白芍藥

雲茯苓 金橘干 薄荷尖

再診左寸弱兩關弦大木鬱不達氣堵上焦夜不能寐母病及子當從風木施治

東阿膠 羚羊角 麥門冬 柏子仁 生牡蠣 淮山藥

冬桑葉 黑芝麻 川貝母 霍石斛 烏豆衣 生甘草

再診右寸虛左關弦澀風木鬱而不達而衛陽不固以逍遙散玉屏風加減主之

綿黃耆 醋柴胡 漂白朮 白蒺藜 炙甘草 製香附

青防風 酒白芍 酒當歸 小青皮

春令木旺胃為所製不思納食左關脈弦右弱無力法宜疏泄風木

柴胡 桑葉 菊花 生穀芽 茯苓 黃芩

白芍 生甘草

左關弦數少陽木火上竄午後頭痛用開泄降逆法

苦丁茶 三錢 勾藤勾 一錢 白芍藥 三錢 北杏仁 三錢

蔓荊子 三錢 旋覆花 三錢 黑山梔 二錢 石決明 五錢

生甘草 五分 小川連 一錢

銘新 白濁澀痛左脉弦數應以苦寒泄熱俾火毒仍從小便而去

銀花 四錢 乾地黃 三錢 犀角屑 六分 甘草梢 一錢

通草 一錢 龍胆草 八分 浙貝母 二錢 清寧丸 一錢

患感熱鬱少陽晨早頭痛昏眩牽連耳後考手足少陽經均行耳後按經論治當可

奏效

軟柴胡 法夏 梔子 靈磁石 甘菊 黃芩

生石決

蔣宅小兒後天脾胃虛弱日久泄瀉不思納食面色黃瘦用疏補脾胃緩治法

東洋參 五錢 於潛朮 四錢 雲茯苓 三錢 五穀虫 三錢

淮山藥 三錢 舊枳殼 三錢 雞內金 三錢 湘蓮子 三錢

共爲細末加焦黃鍋巴四兩研細入藥末攪勻每早用開水加白糖調服二錢

周某(北人)因寒停食胃脘疼痛欲死右關緊實消導之中參以溫竄攻堅之品是

爲複方

炒山查 二錢 炒六曲 二錢 廣檳榔 三錢 炒麥芽 二錢

金頭蜈蚣 一條

李某(北人)軀體偉壯患單腹脹堅形如鼓脈來沉堅是脾滯不主運動閱前方皆

主補土失之愈遠雖東垣疏補兼行妙法於此時亦用不着消導一法足矣

炒山查 一兩 炒麥芽 一兩 炒六曲 一兩 廣檳榔 六錢

青木香 五錢

共為末黃酒冲服

脈沉澀腰痛疼血寒經滯應以溫通導之

製附片 二錢 蘇木 一錢 鹽小茴 錢半 酒白芍 三錢

桃仁泥 二錢 正肉桂 八分 當歸尾 三錢 阿膠珠 三錢

元胡索 二錢 黃酒 一杯

陳朗軒 營虛衛陽不固夜寤冷汗淋漓甘緩養營議治

西洋參 三錢 龍眼肉 三錢 川杞子 三錢 正桂枝 八分

柏子仁 錢半 生黃耆 一錢 酸棗仁 二錢 五味子 六分

炙甘草 一錢

增印翁 左脈弦大而數右寸關澀數則爲虛熱澀則爲津傷症則夜間咳喘左臥尤甚口渴喜飲痰中帶血木火有餘少陰陽明不足津液俱損法宜滋養陰液清降衝逆爲主病入膏肓藥進人事而已

乾地黃 阿膠珠 製牛膝 麥門冬 大知母 北杏仁

冬桑葉 川貝母 巨勝子 枇杷葉 北沙參 淮山藥

王植翁 脈浮數右甚口渴咳嗽日晡寒熱便赤氣粗乃暑傷太陰鬱久而成秋發之暑瘧也宗費氏清暑散意

葛根 二錢 川貝 二錢 北杏仁 三錢 石斛 四錢

連翹 錢半 薄荷 二錢 青蒿 二錢 淡豆豉 三錢

竹葉 三錢 石膏 三錢

陳光弼 病後肺留餘熱周身四肢面目浮腫下午則甚口渴便短經云肺脹風水病面腫蓋肺氣受病治節不行一身之氣皆失其順降之機卽水精四布亦賴清

肅之權以主之氣既逆而上奔水亦泛而上溢矣清肺則諸恙自安

桑白皮 四錢 生薑皮 三錢 北杏仁 四錢 舊陳皮 錢半

生薏米 八錢 生甘草 六錢 欽石斛 五錢 肥知母 三錢

茯苓皮 四錢 淡竹葉 三錢

陳叙庭 肺燥失音清潤中參以補土生金法

大麥冬 五錢 欸冬花 三錢 生甘草 二錢 生白芍 四錢

於潛朮 四錢 淨白蜜 一匙 炙銀花 四錢 天門冬 三錢

于 左脈數絡熱舌尖麻楚咯痰擬辛涼清絡泄熱和胃祛痰立局

菖蒲 元參 勾藤 連翹 羚羊 陳皮

竺黃 天麻 石斛

脈來虛弦腹脹無所痛楚應以純虛論治

高麗參 一兩 白朮 一兩 炙甘草 八錢

端甫叔 便後下血是爲遠血徵之右寸關之遲軟左關之弦是爲土衰木尅不能

統血應仿黃土湯意所謂補土生金氣足則血自統耳

炒白朮

伏龍肝

淮山藥

炒艾葉

東阿膠

側柏炭

乾地黄

炙甘草

當歸炭

荷葉炭

李仙史 八日不大便誤服攻下藥二便俱閉腹臍脹鞭煩躁惟脈虛無力宗脈旨

擬藥爲是

高麗參

一兩

白朮

一兩

淮山藥

八錢

李少南 孤陽飛越五日不眠脉大而軟宗喻氏法治之

生白芍

五錢

乾生地

三錢

柏子仁

二錢

川附片

一錢

大熟地

四錢

酸棗仁

三錢

白茯苓

三錢

生龍骨

三錢

生甘草

一錢

生牡蠣

五錢

浮小麥

三錢

夜交藤

五錢

康民 肝腎鬱熱兩腿筋骨內痛夜間腿膀如烙酸軟難以步履左關尺滑數尺

膚熱苦泄肝腎之熱佐以涼血是為穩治

大生地 五錢 懷牛膝 三錢 赤茯苓 三錢 川地骨 三錢

桑寄生 八錢 酒胆草 一錢 白茅根 五錢 鹽黃柏 二錢

車前子 二錢 肥知母 二錢

林福 鼻衄宗經旨熱淫於內治以鹹寒佐以甘苦意

原生地 生白芍 犀角屑 生薏米 紫草茸 鮮葦根

嫩桃仁 冬瓜子

三妾調攝藥膏

生白芍 二兩 明天麻 兩半 西洋參 二兩 烏豆衣 三兩

冬桑葉 二兩 大麥冬 三兩 女貞子 二兩 羚羊角 八錢

霍石斛 四兩 眞阿膠 二兩 甘菊花 八錢 淮山藥 二兩

生牡蠣 二兩 法半夏 一兩 黑芝麻 一兩 雲茯苓 二兩

荷葉邊三張合各藥熬膏

白芍烏豆衣女貞阿膠牡蠣柔養肝陰潛陽宗治風先治血之旨麻桑羚羊祛風清熱洋參麥冬石斛山藥芝麻陽明津液以和陽而制肝并可育胃汁苓牛膝降逆化痰荷葉合之桑葉羚羊菊花烏豆衣又能清泄少陽鬱遏

王松山 咳吐濁痰聲重面黃苔白不渴咽痛應以濕溫論治

法夏 二錢 杏仁 二錢 厚樸 一錢 薏米 三錢

茯苓 三錢 蘇子 錢半 馬勃 錢半 葦莖 三錢

金臺 吸受暑濕午後發熱舌白不渴便短惡心胸悶宗甘露消毒丹意

飛滑石 二錢 川貝 錢半 連翹 錢半 木通 錢半

白蔻 五分 茵陳蒿 一錢 菖蒲 六分 藿香 七分

射干 一錢 枯芩 一錢

王婦 血熱瘀滯經期前後腹痛宜通以利血分

歸鬚 錢半 鬱金 錢半 桃仁 三錢 白芍 三錢

益母 五錢 甘草 五分 藕節 四個

余 肝氣衝痛辛開苦降是議

白芍 四錢 川連 三錢 沉香 四分 甘草 二錢

吳萸 五分 枳殼 二錢 瓜蒌 五錢 荷桿 三錢

金 臺 鼻衄不止清解陽明鬱熱

生地 竹葉 丹皮 夏枯草 黑山梔 杏仁

石膏 茅根 地榆炭 陳藕節

又

犀角屑 大生地 粉丹皮 生白芍 白茅根 側柏炭

生石膏 淮牛膝

張 腎虛小便不禁兩尺細弱溫固下元佐以益虛

川熟附 三錢 覆盆子 三錢 胡桃肉 三錢 甘杞子 五錢

雲茯苓 三錢 北鹿茸 八分 破故紙 三錢 兔絲餅 三錢

家韭子 三錢

仲甫 瘡疾愈後口乾潮熱不大便脈數胃陰傷也應進酸甘化陰法

麥門冬 五錢 正首烏 三錢 火麻仁 八錢 酒知母 二錢

生白芍 四錢 大烏梅 二錢

受暑挾濕頭昏脹午後身熱微咳胸悶咯痰不出鼻塞用辛涼佐芳香法

連翹 香薷 鬱金子 青蒿 藿香小梗

扁豆衣 厚樸 滑石 酒黃芩 西瓜翠衣

銀花 鮮蓮葉邊

林玉芳 暑濕白痢裡急後重口渴溺短脉右大治在氣分

浮銀花 白茯苓 生薏米 扁豆衣 川葶根 北杏仁

大腹皮 廣木香 天花粉 苦桔梗 白通草 六一散

劉觀察 內虛類中面赤鼻鼾痰聲如鋸不醒人事口渴便黃舌乾無津脈洪數大

口眼喎斜身痛不能轉側此類中挾痺症也風火交煽津液將涸急宜養陰豁痰

宣痺活絡爲先仿昔人治風先治血意

鮮生地 六錢 石斛 六錢 天門冬 三錢 生薏米 四錢

川貝 四錢 川薑黃 一錢 木防己 三錢 菖蒲 一錢

鮮竹瀝 一杯

再診脈虛大而數風火熾盛胃津不能上行痰塞靈竅昏不知人根本下衰痰火上

蒙急則治標先宜清上焦痰火

大麥冬 五錢 橘紅 錢半 胆南星 二錢 欒石斛 八錢

天麻 三錢 石菖蒲 一錢 羚羊角 三錢 殭蠶 二錢

鈎藤勾 三錢 生磁石 八錢 鮮竹瀝 一杯

此症余治兩日已有轉機嗣爲別醫爭進參附薑桂熟地等溫熱辛燥膩補之品竟至不起惜哉錄此以爲近日士大夫之喜溫補誤事者戒

孫鎮朔 脈浮一身盡腫按之場陷不渴自汗惡風此風水腫也恰合金匱越脾加

又 附子湯症

麻黃 一錢 石膏 三錢 甘草 一錢 生薑 二錢

大棗 三個 川熟附 一錢

阮仙屏(北人)陽虛類中昏倒僵臥神昏言蹇口眼喎斜脈洪大而虛汗多痰逆半身不遂法宜首先固氣祛痰佐之黃坤載治北人陽虛類中方法頗愜

生耆 一兩 桂枝 三錢 白芍 三錢 枳子 二錢

首烏 二錢 茯苓 三錢 砂仁 一錢 甘草 一錢

薑汁 六錢

又

白芍 三錢 桂枝尖 三錢 何首烏 三錢 茯苓 三錢

枸杞子 三錢 生甘草 一錢 砂仁 一錢 生薑汁 一錢

鮮竹瀝 二錢

又

老山參 錢半 生耆 二錢 於潛朮 二錢 當歸 錢半

淨柴胡 三分 升麻 三分 枸杞子 二錢 陳皮 一錢

鹽黃柏 一錢 紅花 一錢 醋半夏 三錢 甘草 一錢

薑汁 一錢 竹瀝 二錢

又

老山參 二錢 於朮 二錢 生耆 三錢 鹽黃柏 一錢

淨柴胡 三分 陳皮 一錢 升麻 三分 肉苳蓉 三錢

川續斷 三錢 五味 一錢 麥冬 二錢 全當歸 錢半

甘草 一錢 枳子 三錢

又

老山參 錢半 於朮 二錢 生耆 三錢 大麥冬 二錢

五味 一錢 陳皮 一錢 銀柴胡 三分 杜仲 二錢

當歸 錢半 川續斷 二錢 熟地 四錢 甘草 一錢

又

生耆 一兩 桂枝尖 三錢 白芍 三錢 枳子 三錢

生薑汁 六錢 黑棗 四枚

聯子振太尊 因驚憂積氣心受風邪精神恍惚若痴自汗驚悸心跳自覺慚愧畏

怕見人言語半吐即不能言面紅舌苔黃膩脈時歇止不寐飲食如常病經二載

醫更數手溫熱膩補競進氣機鬱阻愈深昔人謂脈歇止無定多主鬱痰爲幻不

得以結代目之種種症象無非機樞窒礙痰阻經隧爲患擬仿本事驚氣圓意其

中多用風藥良因經絡窒塞非風藥不能轉動機樞耳立方大意全在乎此

滾痰丸 三錢 麗參 錢半

煎水送連服兩日下膠黏臭痰頗多

高麗參 二錢 正茯苓 二錢 石菖蒲 一錢 明天麻 三錢

遠志肉 錢半 胆南星 二錢 酒川芎 二錢 大殭蠶 二錢

全蝎梢 六分 生鐵落 五錢 正紅 一錢 欽石斛 三錢

薑汁 三滴 竹瀝 一小杯

白附子 蕲蛇 羚羊 法夏 麥冬 棗仁 青黛 龍齒 金箔 出入念餘劑而痊

又 愈後用外臺茯苓飲加減為丸調理

麗參 二兩 白朮 二兩 枳實 兩半 天麻 二兩

茯苓 四錢 茯神 二錢 棗仁 二兩 遠志 一兩

法夏 二兩 陳皮 一兩 川連 一兩 蒺藜 二兩

代赭石 二兩 竹瀝薑汁棗肉爲丸

經期腹痛作嘔脈澀而滯虛寒血滯兩和肝胃

酒全歸 四錢 酒白芍 三錢 炙甘草 一錢 乾薑炭 六分

桂枝尖 一錢 嫩桃仁 錢半 益母草 三錢 法半夏 二錢

舊陳皮 一錢 春砂仁 錢半 黃酒 一杯

孫鎮朔 肝熱風陽上僭午後頭顛竄痛辛涼祛風爲主

生白芍 三錢 殭蠶 錢半 生石決 一兩 炒甘菊 二錢

勾藤 三錢 女貞子 四錢 烏豆衣 三錢 桑葉 三錢

蔓荊子 三錢 鮮蓮葉 半張

又 肝木上逆胸悶氣短倦怠欠伸開泄少陽以清肝木用微辛微苦通降法

生白芍 三錢 桑葉 三錢 甘菊 錢半 勾藤 錢半

鬱金子 錢半 連翹 錢半 枇杷葉 二錢 北杏仁 錢半

桑白皮 桑葉尖 大射干 薄荷梗

脈虛軟大發熱夜甚腹痛應以血虛發熱例治之

熟地炭 四錢 生綿耆 五錢 銀柴胡 二錢 全當歸 二錢

炙甘草 一錢 雲茯苓 三錢 酒白芍 二錢 炮薑炭 一錢

桂枝尖 一錢

陰虛體質春溫咳嗽脈來細數清上潛下立局

川貝 女貞子 旱蓮草 前胡 龜板 桑葉

真蛤粉 南杏仁 燕窩 磁石

寒疝腹痛溫通柔潤是議

精鷄羊肉 半斤 青皮 一錢 老生薑 一兩 肉桂 八分

酒全當歸 兩半 鹽小茴 二錢 羊肉湯煎藥

又

全酒歸 一兩 沙苑 三錢 烏藥 一錢 鹽大茴 錢半
 肉桂 八分 橘核 二錢 肉蓯蓉 三錢 生薑 八錢
 石斛 五錢 精羊肉 半斤 取汁煎前藥

感冒風邪痰嗽頭痛不飢寒慄誤服溫散其勢益甚口渴無溺脈弦數浮促症係風
 溫既服溫散熱得風而更熾也舌降無津亟宜清化

桑葉 知母 菊花 杷葉 冬瓜仁 花粉
 梔子 元參 貝母 鮮梨汁

周婦 誤服溫藥肝氣大動勢將瘧厥口渴夜間五心大熱舌心乾涸頭面熱瘡
 脈滑數異常四肢厥麻以辛涼鹹寒調之

生地 犀角 勾藤勾 牛蒡子 元參 羚羊
 大麥冬 金銀花 川貝 竹葉 老桑枝 紫丹參

又

敗龜板 寸麥冬 生扁豆 乾地黃 釵石斛 生甘草

阿膠珠 蓮子肉 浮小麥 甘菊花 生牡蠣 生磁石

烏豆衣

又

麥門冬 乾地黃 浮小麥 川石斛 冬桑葉 生甘草

東沙參 正川貝 炙杷葉 白蓮肉 淮山藥 生扁豆

陳子翁 血熱火毒口渴夜熱舌糜紅痛生瘡不能飲食清營敗毒是議

犀角尖 一錢 飛青黛 二錢 鮮生地 四錢 淡竹葉 二錢

浙貝母 二錢 生石膏 五錢 川銀花 三錢 赤芍藥 二錢

大元參 二錢 舊金汁 一杯

乾惡上泛乙木剋胃肝胃兩和

茯苓 白芍 竹茹 法夏 吳茱萸 桑葉

枳殼 川連 勾藤 陳佛手

氣悶右寸沉左尺大金水木同病也

鬱金子 白痰藜 乾生地 甘菊花 川貝母 大知母

生磁石 杭白芍 枸杞子 冬桑葉 烏梅肉

陰挺仿王肯堂法進以補中益氣湯五劑痊後進以丹梔歸脾湯善後兩手脈數兩尺尤覺動數右寸獨大病係下損及中應以虛勞論治惟以久病木旺之軀誤服烏頭椒桂羌活等辛烈之品劫陰傷氣肝陽愈熾胃陰愈傷肺金愈燥清肅不降泉源更竭孤陽上逆故病見乾咳不饑不眠微喘痰中帶血絲此一綫相串之病也惟此時既不能用熟地等滋膩之品再傷其胃又不可用人參等補氣之品以提其喘苦寒及溫辛之藥更無庸議茲遵補胃養陰潛陽清肺等法以消息之

東沙參 三錢 正茯神 三錢 阿膠珠 三錢 正石斛 六錢

淮山藥 三錢 生薏米 三錢 天門冬 二錢 建蓮肉 四錢

龜腹甲 四錢 生甘草 八分 生磁石 三錢

再診兩尺脈雖靜左寸似見渙散之象兩關弦極似有真臟脈形甚少胃氣形容日削噎咳無氣不饑不眠微現喘象孤陽上竄病症脈色均甚可慮向負盛名各名醫均經推手今於頗難挽回之中求一拯救之法此時惟有建立中宮以補胃中天真之氣以期胃強納穀再議治病至此時滋陰補陽各妄談俱不暇議及也

高麗參 二錢 建蓮肉 四錢 川石斛 三錢 雲茯苓 二錢

炙杷葉 二錢 淮山藥 三錢 女貞子 四錢 杭白芍 三錢

生甘草 四分 烏豆衣 三錢 旱蓮草 三錢 浮小麥 三錢

糯米泔煎

又

高麗參 二錢 旱蓮草 三錢 正石斛 三錢 正茯苓 三錢

五味子 一錢 建蓮肉 四錢 酸棗仁 三錢 淮山藥 三錢

生黃耆 三錢 寸麥冬 二錢 女貞子 三錢 杭白芍 二錢
糯米泔煎

又

生黃耆 八錢 杭白芍 二錢 五味子 一錢 釵石斛 四錢
建蓮肉 四錢 枸杞子 四錢 雲茯苓 三錢 生牡蠣 三錢
生龍骨 三錢 黑甘草 五分 大紅棗 二枚

又

生黃耆 六錢 酸棗仁 三錢 雲茯苓 三錢 遠志肉 八分
川杞子 五錢 生龍骨 四錢 黑甘草 八分 杭白芍 三錢
五味子 一錢 真人參 一錢 真青鉛 三錢 黑棗肉 三錢

又

生黃耆 四錢 青鉛 三錢 雲茯苓 三錢 建蓮肉 三錢

黑甘草 一錢 石斛 三錢 女貞子 三錢 酸棗仁 二錢
阿膠珠 三錢 遠志 一錢 杭白芍 三錢 麩茸末 五分
大棗肉 二枚

又

真人參 二錢 川杞子 五錢 遠志肉 一錢 生龍骨 三錢
焦白芍 三錢 黑甘草 錢半 雲茯苓 三錢 真青鉛 三錢
麩茸末 八分 炙黃耆 八錢 酸棗仁 二錢 大棗肉 二枚
此方多服如見肝脉大則加石斛三錢去麩茸

又 諸症均愈兩手脈已和緩眠食俱經照常仍仿勞者溫之之意主治溫者乃溫
養之稱非溫熱競進之謂也

炙黃耆 八錢 焦白芍 三錢 遠志肉 一錢 真人參 二錢
酒全歸 三錢 酸棗仁 二錢 雲茯苓 三錢 枸杞子 五錢

生龍骨 三錢 炙甘草 錢半 麩茸末 八分

擬丸方早服(每早三錢)

頂舊熟地 三兩 乾川杞子 四兩 淮山藥 二兩 正麩茸末 一兩

北五味子 八錢 潼關沙苑 二兩 蓮子肉 二兩 雲茯苓片 二兩

以上各藥共爲細末另用石斛三兩桑椹二兩熬膏合豬脊髓四兩爲小丸

擬膏方午服(每午三錢)

正黃耆 八兩 大山參 二兩 炙甘草 一兩 杭白芍 四兩

眞飴糖 三兩 黑當歸 四兩 遠志肉 二兩 酸棗仁 二兩

雲茯苓 二兩

張 婦 狂病

龜板 八錢 胆草 一錢 遠志 一錢 生鐵落 八錢

天竺黃 三錢 元參 四錢 羚羊 三錢 丹參 三錢

川黃連 一錢 石菖蒲 錢半 鮮竹瀝 三錢 沉香末 八分

王 年約三十許今正得一奇症每於行止坐臥處似有一人立於其側細視之
迄無所見以致神思恍惚飲食頓減延醫診視竟無效驗余曰此名離魂良由思
慮過度神不守舍之故乃飲以清心安神之品并用桂枝龍骨牡蠣救逆湯不用
一月其病若失此等症甚多人多不識如偏於熱者應以許學士之眞珠母丸加
減頗合因并記之

黃太太 肝厥狂叫哭笑手足羈曳氣逆胸悶脈沉弦實大養陰清火豁痰立局

生白芍 五錢 生鐵落 六錢 南星 二錢 元參 三錢

羚羊角 二錢 龍胆草 錢半 生地 三錢 丹參 三錢

竺黃 三錢 沉香 一錢 菖蒲 二錢

廉甫叔 肺感風寒咳嗽應以六安煎主之

孕婦口渴不眠以酸棗仁湯加減和之

酸棗仁 茯神 秫米 浮小麥 知母 竹茹

製半夏 甘草 紅棗

產後五日發熱作嘔口渴仿東垣甘溫退熱法

炙黃耆 五錢 炙甘草 一錢 青蒿 二錢 米黨參 二錢

白朮 二錢 炮薑 五分 桂圓肉 二錢

又產後兒枕塊痛暈眩生化湯加黨參延胡肉桂一劑痊

銀臺 脾瀉愈後不時復發不思納食口渴調攝善後方

西洋參 酒白芍 白當歸 於潛朮 淮山藥 炙甘草

雞內金 製首烏 白建蓮 雲茯苓 正麗參 榧子肉

生穀芽

銀臺 脾泄不止溫固攝納為主

高麗參 二錢 肉蔻仁 錢半 母丁香 八分 禹餘糧 三錢

炒於朮 三錢 訶子肉 二錢 雞內金 二錢 炙甘草 一錢

雲茯苓 三錢 川附片 一錢 酒白芍 二錢

陽明虛寒肝風上逆欲吐作暈溫鎮中宮虛風自熄

酒全歸 八錢 代赭石 六錢 大防黨 四錢 炮薑 三錢

生磁石 六錢 大炙耆 五錢 青龍骨 五錢 炙甘草 二錢

桂枝 三錢 焦白芍 三錢

菊 仙 夜熱清解不應仿產後血虛發燒例治之因脈大而軟初經瘡後頗似當

歸補血湯症象

生黃耆 五錢 焦白芍 二錢 炙甘草 一錢 當歸 二錢

雲茯苓 三錢 熟地炭 四錢 炮干薑 八分 烏梅 二枚

嗣因腹痛略泄頗象厥陰見症加入胡連椒目柴胡倍烏梅三劑痊

又

生者 四錢 白芍 三錢 茯苓 三錢 椒目 八分
 桂枝 六分 烏梅 二個 柴胡 一錢 白朮 三錢
 甘草 一錢

鄭

絡熱風陽上擾厥逆清竅不利辛涼以清絡熱所謂鼓之以雷霆潤之以風雨蓋肝氣發完必出汗亦即此理否則是癰病耳

羚羊角 勾藤 甘菊 桑葉 川貝母 黑芝麻

阿膠 竹茹 青黛 蓮子心 川石斛

又

羚羊 勾藤 元參 冬桑葉 甘菊 明天麻

生地 生牡蠣 龜板 東阿膠 竹茹 烏豆衣

又

生白芍 冬桑葉 甘菊花 烏豆衣 乾地黃 阿膠珠

龜腹甲 浮小麥 勾籐勾 蟬退肚 黑芝麻 生甘草

夏老太太 中氣虛餒清陽不升氣痰上逆眩暈卽經所謂上氣不足頭爲之苦傾是也宗陳修園補中益氣加減法

生耆 廣陳皮 明天麻 炙甘草 柴胡 川當歸

尖黨參 勾籐勾 白朮 製半夏 羚羊角 綠升麻

王宅太太 產後百日外時患畏冷內外戰振不堪又或弦暈經水時來時止然不甚多腹并不痛不思食右關弱小左澀滯關脉更沉澀不起患右手脈癱兩手指節間時生米粒小瘡痛難言狀應以肝經血鬱論治

醋香附 二錢 澤 闌 二錢 牛膝 二錢 當歸 二錢

醋川軍 一錢 桃仁 三錢 紅花 一錢 桂枝 一錢

赤芍藥 二錢 川芎 二錢 浙貝 二錢 甘草 一錢

服後腹略痛肝經熱氣覺流入膀胱小便下赤黃如米泔水者二次第二劑去

膝桂軍草四味第四劑因不能食加蒼朮砂仁半夏

又再診各症遞痊仿易思蘭法以越鞠加減立局

醋香附 三錢 川芎 錢半 神柚 二錢 蒼朮 二錢

黑梔子 錢半 川貝 二錢 白芍 二錢 砂仁 錢半

炙黃耆 三錢 桔梗 二錢 當歸 三錢 桃仁 一錢

夜寤不寐驚煩出汗左關浮數陽不交陰肝魂不攝潛陽交陰諸恙自安

羚羊角 桑椹 正茯神 生牡蠣 桑寄生 白芍

生龍骨 浮小麥

張 肝腎虛損腰痛白濁用左歸合葶藶分清加減

舊熟地 杞子 杜仲 益智仁 山萸肉 烏藥

遠志 關沙苑 淮山藥 茯苓 葶藶 韭菜子

李 婦 肝木尅胃津傷不飢不食吐痰右關弦大兩治肝胃

西洋參 錢半 麻仁 二錢 烏梅 五分 寸麥冬 三錢

白芍 三錢 蓮肉 三錢 法夏麪 錢半 桑葉 三錢

炙草 六分

詳辨孫銘仲夫人病因

脈搏輕按弗見重按反覺鼓指此風氣也據說病發則舌乾燥似覺有殼唇焦裂心中剝削辣悶時吐涎沫嗔怒煩勞則其發愈劇經云煩勞則張精絕辟積於夏使人煎厥此之謂也得酒胸中稍鬆者因酒性散風氣得酒暫時疎泄也得食反倦委者因氣壅胃虛食入而暫滯其氣脾不能爲胃行津液故也有時似飢且能多食因風氣上竄胃絡空虛欲得食以壓之也卽經云中風能食是也凡此見症莫非衝任素乏藏蓄以致肝陽化風時時上擾近增腰痠及骨隙中空痛形體日見消瘦乃陽明少納生化日衰加以思慮太過心陽擾動風氣騁張吸傷腎陰精氣虛餒不能淖澤而充益骨髓也此一二年所發之病而究其根源則經云二陽之病發心脾有不得

隱曲女子不月其薄爲風消是也夫二陽陽明胃脈也爲倉廩之官主納水穀者也乃不能納者何也此由心脾所發耳正以女子有隱情曲意之事不得舒其衷則氣鬱於心而不暢故心不能生血血不能養脾始焉胃有所受脾不運化繼則胃亦漸不能納受於是水穀衰少無以變化氣血以入二陽之血海血海乃肝所司血海不能蓄藏木失所養肝陽化燥風木交張而時時上擾陽明又適當其衝其始也傷殘其胃汁其繼也更欲借滋於胃液陽明幾何津液而能當此傷尅耶現觀脈症雖未露風消症象倘再日久失治恐流入風消一途昔人治風消往往用麥門冬湯然祇能滋陽明之燥而弗能熄厥陰之風况胃爲後天之本極宜顧慮滋陰填液之藥既畏滯膩而不靈祛風迅利之品又恐搜逐之太過用藥須從空靈一邊仿葉氏法論治

再按平素木旺津傷常吐膠黏涎沫口微渴每因怒膈氣冲痛或當胃口或竄兩脇顯係肝木犯胃且常因怒犯吐血之症幸不多耳每犯服竹茹黑山梔等清降加平

肝之品則愈此次因怒氣痛或膈或脇或流竄周身二十天來每早必風氣上逆乾嘔或吐出涎沫間或痰帶少許血平素胃陰雖虧胃氣尙強納穀如常不受剛藥誤則吐血前兩日兩關弦大而動昨日氣冲痛已止惟腹內風氣作痛或作或止多矣氣涎沫雖少乾嘔仍舊左關弦數而澀滯右關小弱而結澀似帶微數之象時或頭眩應以泄木安胃降逆之中參以清養肝陰活絡熄風之品似爲合拍

伯母因感外寒搏內熱憎寒發熱咽喉痛口渴頭眩痛目眶疼脈大右寸甚仿羌活湯法師其意而不泥其方變辛溫爲辛涼也

羌活 白芷 連翹 牛蒡子 防風 葛根

枯芩 蟬退肚 川芎 石膏 桔梗 生甘草

宗太太 脈虛中虛交春虛里跳動甘溫守補佐以鎮固爲宜

生耆 五錢 白芍 三錢 龍骨 三錢 炙甘草 一錢
當歸 二錢 桂枝 二錢 牡蠣 四錢 真飴糖 一錢

生薑 三片 黑棗 三枚

風火上鬱舌紅口渴咽喉腫痛宜用辛涼輕藥清上

葦莖 浙貝 大蠶蠶 馬勃 射干 元參

牛蒡 萊豆皮 連翹 銀花

春令木旺尅土不思納食肝風欲動甘緩是議

杭白芍 生甘草 浮小麥 麥門冬 淮山藥 生牡蠣

桑寄生 炒蓮肉 金釵斛 冬桑葉 白茯神 白扁豆

肝鬱經閉一載左關沉澀有力應以血府逐瘀湯加減立局

淨柴胡 桔梗 牛膝 澤蘭 桃仁泥 香附

赤芍 當歸 藏紅花 川芎 枳殼 甘草

王 虛損未傳咳嗽

地骨皮 二錢 杞子 二錢 天冬 二錢 薏仁 三錢

炒百合 三錢 桑椹子 二錢 白芍 二錢 甘菊 二錢

葦莖 三錢 川貝母 二錢 生耆露煎藥

因感肺燥咳吐膠痰清肅之令不能下降木失所畏時上僭所以顛赤多怒清肺

豁痰宣絡養肝立局

甜杏仁 瓜蒌皮 浙貝母 海蛤粉 絲瓜絡 浮海石

女貞子 旱蓮草 東沙參

再診脈右弦數咳甚於午前氣分熱熾仍以肅清肺胃為主

釵石斛 北沙參 瓜蒌皮 浙貝母 南花粉 海蛤粉

冬桑葉 肥知母 生薏米

左肩臂夜間痠痛陽明氣衰絡虛風動足厥陰主治莫進攻風

當歸 四錢 桂枝尖 一錢 羚羊角 錢半 白芍 三錢

炙甘草 一錢 大炙耆 三錢 絲瓜絡 三錢

脾濕下溜鬱遏肝氣晨起腰繞環跳穴痠痛小腹鬱悶

柑杞子 杜仲 牛膝 沙苑 續斷 桑寄生

獨活 於朮 香附 青皮

春溫爲病風熱內鬱頭昏口渴鼻衄乍寒乍熱四肢逆冷兩手脈弦數宜進辛涼

生石膏 二錢 荊芥穗 二錢 蟬脫肚 二錢 連翹心 三錢

淡豆豉 三錢 白茅根 四錢 川羌活 二錢 青蒿梗 三錢

羚羊角 二錢

再診左脈滑數舌麻頭昏口渴不時胃火面赤四肢不溫清陽鬱遏之象

青蒿 三錢 白茅根 四錢 連翹 二錢 羚羊 二錢

蟬脫 二錢 勾藤 三錢 細生地 三錢 元參 三錢

花粉 二錢 蓮葉 三錢

久病肺熱虛咳木扣金鳴現左脈模糊夜間微熱兼有外感參以逍遙散意

銀柴胡 一錢 於潛朮 一錢 白芍 二錢 甘草 六分

雲茯苓 二錢 羚羊角 一錢 當歸 一錢 洋參 錢半

橘皮白 錢半 女貞子 二錢 沙參 二錢 玉竹 二錢

病因冬寒入肺夜間喘咳涎沫咳極作嘔兩寸不起病經兩月溫通肺胃

半夏 白芥子 北細辛 陳皮 欵冬花 茯苓

五味子 川干薑 杏仁 炙甘草

蔣叔明夫人 眩暈心痛脹衝逆嘔吐涎沫周身麻木脈弦此厥陰犯陽明症肝脈

挾胃貫膈耳治在肝胃

川連 乾薑 川棟子 烏梅 牡蠣 杭白芍

小便不禁治應溫固下元

覆盆子 甘杞子 益智仁 破故紙 黑附片 台烏藥

胡桃肉 兔絲餅 青龍骨

牙浮疼火升舌紅口渴咽痛面生瘡櫛乃陰虛肝風之體春令木火上炎血分鬱熱

左脉數動右大用清營湯意

大生地 六錢 麥門冬 五錢 丹參 三錢 大元參 三錢

生石膏 二錢 丹皮 二錢 川銀花 三錢 萊豆皮 三錢

牛膝 二錢 酥龜板 八錢

邵 感受風寒畏風發冷小便頻數用桂枝湯加附子龍骨

胡 肝腎虛吸入氣短胸悶難受用腎氣湯加五味子靈磁石

李子翁 年近古稀夜間小便不禁尿床溺中帶血兩尺脈虛細參用孫真人升固

八脈法然腎以溫爲養肝宜涼乃平故溫腎必佐涼肝否則宣動矯陽耳

桑螵蛸 三錢 破故紙 錢半 兔絲餅 二錢 巴戟天 二錢

韭菜子 二錢 生龍骨 三錢 川杞子 三錢 川杜仲 二錢

雞內金 二錢 生牡蠣 三錢 欽石斛 三錢 血餘炭 三錢

徐女 月信過期不來腹痛兩手脈澀右寸特甚進以循經通絡宣氣行瘀之法
導之使下行也

嫩桃仁 二錢 旋覆花 四錢 絲瓜絡 三錢 香澤蘭 二錢
紫丹參 三錢 醋香附 二錢 益母草 四錢 鬱金子 錢半
醋大黃 八分 紫苑 三錢 通草 錢半
脈沉細倦不能動心虛頭涼因陰傷陽泄也

大熟地 八錢 鹿角膠 三錢 大附片 錢半 麗參 四錢
譚婦 左邊牙痛頭痛嘔吐服清火散風藥更劇脈緊急寒熱以肝胆胃三經同

治

淡吳萸 二錢 柴胡 二錢 川黃連 七分 蘇半夏 五錢
勾藤 三錢 生甘草 一錢 藁本 錢半 白殭蠶 二錢
生石決 一兩 萸撥 一錢

又厥陰尅陽明嘔吐不止米水不下頭痛厥逆脈弦緊建中溫納是議

大防黨 六錢 泡吳萸 一錢 炙甘草 二錢 川干薑 三錢

代赭石 八錢 炙細辛 二錢 製半夏 五錢 黑附片 二錢

白蜜糖 三錢

左寸關沉緊右關尺脈有牢象繞腹痛疼脾腿酸痛沉墜難動晨起作嘔因天癸適斷誤食寒冷傷及陽明衝任寒實所結宜用溫下一法選進溫脾湯內有肉桂并能祛下焦衝任血分之寒也雖在產後未可概以虛斷

生乾薑 三錢 川大黃 錢半 安邊桂 一錢 黑附子 二錢

紫厚樸 二錢 炙甘草 一錢 吳茱萸 一錢

肝腎陰虧風陽易動每發則頭痛火升清竅蒙冒上實下虛脉息弦數涵養肝腎之陰以期乙癸相生

金釵斛 四錢 龜腹甲 七錢 旱蓮草 二錢 生牡蠣 三錢

乾地黃 四錢 東阿膠 二錢 烏豆衣 三錢 女貞子 三錢

天門冬 錢半

陳太太 經滯丸方（每下四錢經前後服）

當歸 二兩 靈脂 五錢 香附 四錢 丹皮 五錢

梔子 三錢 青皮 三錢 白芍 一兩 益母 一兩

查炭 四錢 甘草 三錢

平時肝陽體質因患風溫外寒挾內熱頭痛如劈畏寒發熱口渴惡心抽搐肌舌麻
疼腹內風竄脉象緩大糊勾起其肝風鼓蕩其溫邪須防壅厥內閉辛涼甘寒
宜之

羚羊 二錢 桑葉 三錢 天麻 二錢 生地 三錢

荆芥 一錢 白芷 二錢 川芎 二錢 羌活 一錢

石膏 二錢 蟬脫 一錢 石斛 三錢 蔓荊 三錢

又

元參 三錢 丹參 三錢 犀角 一錢 竹茹 三錢

勾藤 二錢 天麻 二錢 菊花 二錢 蟬脫 一錢

蔓荊 三錢 連翹 二錢 桑葉 三錢 石斛 三錢

聯太曾夫人 平素陰虧患暑發熱誤服柴葛等升散風藥以致肢搐而厥目張口

渴左脉弦數右手洪滑病緣暑邪誤進風藥熱得風而炤烈津受燻以風騰乃風

藥引起肝風狂風不息折拔堪慮進以清暑熱熄肝風方法

生地 羚羊角 桑葉 犀角 麥冬 生石膏

連翹 牡蠣 元參 淡竹葉 石斛 知母

王宅小兒 風溫犯肺發熱咳嗽輕揚宣上俾風熱循序外徹

桑葉 茅根 地骨皮 浙貝 連翹 枇杷葉

牛蒡 竹葉 北杏仁

孫宅小兒 陽明鬱熱發熱日久不退發於午後咳嗽清肺佐以導濕

元參 葦根 杏仁 竹葉 銀花 薏米

石斛 川貝 連翹

蔣齡九 乙木剋胃乾嘔 逆痰多通胃和肝議治

半夏 白芍 竹茹 茯苓 吳萸 木瓜

陳皮 川連 枳實 薑汁

申紹庭年伯 咽喉偏左邊腫疼口渴唇乾外淫客邪宜用辛涼以清肺胃

川銀花 馬勃 浙貝母 川連翹 萊豆皮 羚羊角

牛蒡子 生石膏 大射干

孫宅 懷孕八月每日未申心內肌內發熱十餘日來漸至周身皮膚發熱頭痛

如劈舌淨不渴晚間則退右寸關洪大左手浮數伏暑在肺甘涼辛寒以清解之

生石膏 地骨皮 香豆豉 欽石斛 淡竹葉 川連翹

北杏仁 川貝母 青蒿梗

又

大生地 甘菊花 羚羊角 大元參 川石斛 生石決

冬桑葉 乾葦根 蔓荊子

因跌仆尾闕遏阻督陽一動周身掣痛辛香溫通以和督陽以通則不痛也

大生耆 五錢 川續斷 三錢 骨碎補 三錢 清桂枝 二錢

滴乳香 錢半 鹿角尖 錢半 炒白芍 三錢 白芥子 二錢

酥虎骨 三錢 酒當歸 二錢

咽喉腫疼左頸起核口渴舌紅起紅點少陽木火凌金主以苦辛寒例

羚羊角 陳馬勃 連翹殼 黑山梔 萊豆皮 青菊葉

牛蒡子 元參心 夏枯草 生石膏

張宅小兒 脾瀉發熱不食擬東垣甘溫退熱法

生者 茯苓 舊陳皮 白朮 炙草 防黨
蓮肉 雞內金 白芍 黑棗

琪山叔 因操持憂慮營虛吐血脈小虛里跳動不寐擬進甘緩辛補養營法

炒白芍 三錢 酸棗仁 三錢 酒全歸 三錢 炙黑甘草 一錢

炙黃耆 四錢 大黑棗 三枚 白茯苓片 八錢

又

炙耆 四錢 炙甘草 一錢 焦白芍 三錢 杞子 三錢

白茯苓 三錢 酸棗仁 三錢 防黨 三錢 酒全歸 四錢

青龍骨 三錢 真金箔 念張

又

大生耆 五錢 酸棗仁 二錢 西洋參 二錢 川杞子 三錢

白茯苓 二錢 炙百合 四錢 桂圓肉 二錢 當歸炭 二錢

川貝母 二錢 炙甘草 八分 青龍骨 三錢 生薏仁 三錢

又

於潛朮 二錢 五味子 一錢 當歸炭 三錢 炙黃耆 三錢

正川貝 二錢 酸棗仁 二錢 東阿膠 三錢 炙百合 四錢

高麗參 三錢 黑山梔 一錢

齊 老年陽強易於夢泄君相火旺矯陽不藏苦堅是議

大生地 三錢 鹽知母 二錢 女貞子 三錢 天門冬 二錢

鹽黃柏 三錢 旱蓮草 二錢 元武服 五錢 粉丹皮 錢半

生白芍 三錢

莊太太 黎明腹痛瀉瀉治屬於腎

北五味 二錢 鹽小茴 錢半 泡吳萸 錢半 破故紙 二錢

潼沙苑 三錢 湘蓮肉 三錢 肉豆仁 三錢 川杜仲 三錢

淮山藥 三錢

松臺 脾胃陽虛溼泄守補佐以通陽固澀

炒白朮 三錢 白茯苓 二錢 益智仁 一錢 米黨參 三錢

蓮子肉 三錢 御米殼 二錢 炙甘草 一錢 母丁香 一錢

肉叩仁 二錢

琪山叔 腕痛甚劇每發嘔吐水米不入用苦辛泄降法

法半夏 三錢 香附米 二錢 川棟肉 二錢 延胡索 二錢

川黃連 二錢 泡吳萸 一錢 鬱金子 錢半

林小兒 十二歲病溫斑疹不透昏譫大渴舌赤狂熱幸尙未現敗症大劑甘寒涼

血透斑尙可挽回遲則內閉難救

生石膏 四錢 犀角 二錢 白茅根 六錢 大知母 二錢

羚羊 二錢 川連翹 三錢 川銀花 四錢 元參 四錢

川青蒿 三錢 丹皮 二錢 葦根 八錢

又前方三劑斑疹已透數日各恙均痊惟餘口渴頭面以至周身腫脹小便短少當以清滌肺中餘熱着想

白茅根 一兩 生薏仁 八錢 冬瓜仁 四錢 正川貝 三錢

飛滑石 三錢 生薑皮 三錢 杏仁泥 三錢 通草片 二錢

茯苓皮 四錢 枇杷葉 三錢 陳紫苑 三錢

肝風擾胃嘈雜莫可名狀柔養肝胃當為合拍

大麥冬 白芍藥 生扁豆 黑芝麻 生甘草 三角胡

生牡蠣 冬桑葉 浮小麥 甘蔗漿

肺燥喉腥右寸脈大吐血胸痛頻吐膠痰涎沫擬清肺經氣分之熱

白茅根 四錢 煨石膏 二錢 北杏仁 二錢 桑白皮 三錢

生甘草 五分 廣鬱金 錢半 地骨皮 二錢 川貝母 二錢

生薏仁 三錢 陳藕節 五個

又

石斛 三錢 桑葉 三錢 茜根 錢半 川貝 二錢

南杏 二錢 佛手 一錢 竹茹 六錢 鬱金 錢半

黑梔 二錢 眞降香 一錢 枇杷葉 三錢

陳子翁 脇痛脈弦緊辛溫通補活絡法

當歸鬚 五錢 柏子仁 二錢 炒桃仁 二錢 鬱金子 錢半

生鹿角 二錢 桂枝尖 一錢 青葱管 二錢

張 操持經營神耗精損陽挾內風上冒育陰熄風鎮逆

乾地黄 四錢 茯神 三錢 天門冬 二錢 阿膠珠 三錢

生白芍 三錢 羚羊 一錢 浮小麥 四錢 生牡蠣 四錢

生石決 六錢 生鼈甲 三錢

脈大肝膽蘊熱風毒上攻目翳赤筋澀痛視物蒙蔽不明

大生地 三錢 密蒙花 三錢 真蘆薈 二錢 旱蓮草 三錢

穀精子 三錢 酒膽草 一錢 女貞子 四錢 蟬脫肚 一錢

草決明 三錢 生甘草 八分

又

大生地 三錢 酒川軍 一錢 木賊草 二錢 赤芍藥 三錢

密蒙花 三錢 龍胆草 一錢 粉丹皮 二錢 草決明 三錢

淨蟬脫 錢半 生甘草 一錢 甘菊花 錢半 羚羊角 二錢

又

大生地 三錢 生甘草 六分 淨蟬脫 錢半 赤芍藥 三錢

木賊草 三錢 密蒙花 三錢 龍胆草 八分 粉丹皮 二錢

羚羊角 二錢 草決明 三錢

柳 太陽傷風眩暈脈浮緩模糊左尺少緊

桂枝 三錢 防風 三錢 杭芍 三錢 細辛 六分
炙草 錢半 生薑 二錢 黑棗 三枚

產後月餘經水淋漓不止時或暴下鮮血頭眩身浮口渴不食腹無痛楚兩尺滑短無力滑爲血虛短爲氣虛兩關緩澀無力爲氣血兩虛峻補氣血是爲正法

大熟地 八錢 阿膠珠 三錢 泡薑炭 一錢 炙綿耆 五錢

當歸身 二錢 斷艾葉 二錢 烏梅炭 一錢 正麗參 三錢

杭白芍 三錢 炙甘草 二錢 血餘炭 三錢 砂仁末 一錢

三劑血全止脈症均見遞減口渴漸止飲食照常因肝木虛陽上竄頭痛如劈左關浮滑帶數固補之中參入鎮肝服八劑再擬丸方善後

烏魚骨 五錢 甘杞子 四錢 正於朮 三錢 杭白芍 三錢

阿膠珠 二錢 高麗參 二錢 大熟地 五錢 炙甘草 錢半

生牡蠣 四錢 砂仁末 一錢

陳雨亭 虛火牙痛夜甚仿葉法用酸鹹下降引腎經之火歸宿丹田

山萸肉 三錢 女貞子 三錢 北五味 三錢 淮牛膝 一錢

旱蓮草 三錢 真清鹽 一錢

柳鶴書 右脇痛引缺盆夜間痰咳舌紅口渴脈細澀左甚進辛通潤補豁痰法

當歸鬚 一錢 旋覆花 二錢 欽石斛 四錢 桃仁泥 錢半

廣鬱金 錢半 白痰藜 二錢 柏子仁 二錢 生牡蠣 四錢

生香附 錢半

謝 目眶紅腫痛癢羞明脉右數大而左弦風火上鬱法宜清散

羚羊 羊 殭蠶 天麻 木賊 全當歸 白芷

蟬脫 牡丹皮 夏枯草

周 婦 腹脹經來略鬆經斷仍脹已經年餘諸藥不效因憶及葉案幼科內有此

一症宜治血絡所謂絡瘀則脹也草木之藥徒然傷氣而不靈動用蟲類有血肉生氣者走竄通絡靈於草木而不傷氣也

歸鬚 穿山甲 山查炭 桃仁 螻螂虫 兩頭尖

延胡 五靈脂 廬蟲 爲末蜜丸

火鬱脘痛

川棟肉 小川連 生香附 陳佛手 延胡索 杭白芍

黑山梔 生甘草

診脉右寸短沉中帶滑沉者肺陽不定滑者氣虛遇風氣喘時或氣短以蛤蚧散加

減主治

蛤蚧 十對 麗參 四兩 五味 二兩 附片 一兩

燕窩 四兩 百合 一兩 白芷 一兩 防風 一兩

共爲末水蜜合爲丸每丸三錢每飯後服一丸

頭巔痛甚嘔吐脫空出汗脈遲浮虛大關弦陽明空虛厥陰客寒犯胃

川附子 三錢 米黨參 一兩 製半夏 三錢 泡吳萸 錢半

炙甘草 三錢 川乾薑 二錢

石依言 患感痰咳左關緊應以少陽感寒論治乾薑五味辛與酸合開發陽氣最

速觀小青龍可知也非僅辛散酸收而已

柴胡 二錢 乾薑 一錢 杏仁 二錢 黃芩 錢半

半夏 二錢 五味 一錢 炙甘草 一錢 麻黃 一錢

經來小腹滯痛血鬱氣不流暢溫通下導調之

全當歸 四錢 延胡索 三錢 藏紅花 六分 炒白芍 三錢

炒吳萸 二錢 醋大黃 一錢 香附米 三錢 桃仁泥 三錢

旋覆花 四錢 紫苑 三錢

潘觀察 吸受暑熱入表中之裏發熱口渴淋秘議通太陽以清陽明

清桂枝 雲茯苓 飛滑石 生石膏 大豬苓 海金沙

寒水石 津澤泄 淡竹葉

脈細數肝腎下虛耳鳴失聰虛陽內風不熄頭目昏花六味去澤瀉丹皮加生磁石

遠志

五藏精華皆聚於目大病之後真氣損傷兩目無光脈來細微無神不得以尋常目
科通套方施之仿陳修園法進以歸耆異功散加五味子桂圓肉

王 腹痛綿綿肝脾營絡虛寒擬辛溫通絡

全當歸 雲茯苓 泡薑炭 肉桂心 炙甘草 大黑棗

絡虛左脇痛疼按之少緩取辛香潤補通絡擬仲景肝着病治法

當歸鬚 柏子仁 桃仁泥 眞降香 桂圓肉 青葱管

新絳屑

王敬翁夫人 平素肝胃虛寒每病厥寒上逆頭巔痛疼嘔吐不止脈遲虛大進吳

黃湯加減二劑卽愈此次暴崩如注身寒戰慄頭痛筋掣吐瀉並至腿與尾閭刺痛欲裂脈沉兩關緊甚寒邪傷及血分應以血脫益氣法主之參入溫中之品

炒白朮 一兩 高麗參 三錢 鹿角霜 四錢 炙黃耆 八錢

泡乾薑 二錢 川附片 二錢 全當歸 四錢 阿膠珠 三錢

血餘炭 四錢 炙甘草 二錢 艾葉炭 五錢 伏龍肝 一兩

再診脈滑大數急右關尺緊各症略減因去血過多仍以前意加以養血之品

生白朮 五錢 阿膠珠 四錢 熟地炭 五錢 炒白芍 四錢

米黨參 八錢 泡薑炭 二錢 牡丹皮 錢半 炙黃耆 五錢

烏梅炭 一錢 炙甘草 二錢 淡吳萸 六分 血餘炭 三錢

再診各症遞減嘔止周身筋痛尾閭刺痛脈已靜緊形猶存當於血中補氣參入溫

寒之品

生白朮 五錢 米黨參 八錢 泡薑炭 錢半 炒白芍 四錢

又

炙甘草	錢半	烏梅炭	一錢	阿膠珠	四錢	炙黃耆	五錢
血餘炭	三錢	茯苓片	三錢	當歸身	四錢	大棗肉	三枚

泡吳萸	二錢	米黨參	八錢	當歸身	三錢	半夏	三錢
炒白朮	四錢	阿膠珠	三錢	炙甘草	錢半	乾薑	二錢
蘄艾葉	二錢	焦白芍	三錢	代赭石	四錢		

再診脈沉緊無神腰與尾闕刺痛欲裂心空無主岌岌溫補督衝為要

川附子	三錢	炒杞子	五錢	黑歸身	三錢	川杜仲	四錢
破故紙	二錢	炙黃耆	五錢	鹿角霜	三錢	巴戟天	三錢
高麗參	三錢	鹿茸末	一錢				

李城韜 因感咽喉腫痛畏風微熱脈沉左關右尺緊治在太陽少陽

柴胡	錢半	炙草	一錢	桂枝	三錢	黑棗	三枚
----	----	----	----	----	----	----	----

黃芩 錢半 半夏 二錢 細辛 六分 生薑 二錢

週身浮腫按之窅陷脈微溺清咽內微腫飲食上逆嘔吐病因喉症過進寒涼傷及脾陽土虛不能制水也恰合景岳理中加附子茯苓法

麗參 四錢 炮薑 三錢 炙甘草 錢半 於朮 四錢

附片 三錢 茯苓片 三錢

春 舫 脉寸軟大尺浮晨起牙宣爲日已久現加浮痛擬用香巖酸鹹下降引腎

經之火歸宿丹田一法

大熟地 五錢 女貞子 三錢 旱蓮草 三錢 五味子 二錢

懷牛膝 錢半 川青鹽 一錢

辛 木火上逆胸滿悶噫氣進苦辛通降法

生白芍 三錢 連翹 錢半 鬱金子 二錢 川貝母 二錢

勾藤 錢半 陳枳殼 錢半 枇杷葉 三錢 桑葉 三錢

龍胆草 八分

右寸關大而數咳嗽吐血口渴治宜肅清肺胃

甜杏仁 三錢 炙杷葉 三錢 川石斛 三錢 川貝母 二錢

冬桑葉 三錢 白扁豆 三錢 鬱金子 錢半 山梔炭 錢半

鮮竹茹 二錢 茅根炭 三錢 鮮藕節 三個

陽明虛寒厥陰風動吐逆眩暈兩關弦緊陽明厥陰主治大忌風藥寒涼

桂枝尖 五錢 半夏 三錢 生磁石 五錢 炙草 錢半

淡吳萸 錢半 炒白芍 三錢 防黨 三錢 大蘄蛇 錢半

歸身 五錢 炮乾薑 三錢

孫筱香之夫人左關弦澀右手沉弱不起每飢嗆咳數聲乳內堅核時消時劇腕痛常發得食則緩過食則張病緣昔年坐蓐飢餓得之中氣素虛健運失常營衛日見損怯而諸症纏綿也經曰損其脾胃者調其飲食適其寒溫遵其意消息之仿

歸耆建中之製溫養元真建立中宮爲通補方法

焦白芍 清桂枝 眞錫糖 大炙者 大防黨 炙甘草

全當歸 黑棗肉

又

炙黃耆 桂枝尖 龍眼肉 當歸身 白蒺藜 米黨參

炙甘草 焦白芍 製香附 青橘葉

馬 胸滿噯氣時呃一聲略見舒暢逾一息復滿無大便苦辛以開上痺而通腸

丹溪所謂腸痺宜開通肺氣卽此意也

勾 籐 三錢 胡 連 八分 川 樸 八分 川 貝 二錢

杏 仁 三錢 枇杷葉 三錢

念五年正月晦日余由家到烟台越十日接家函知余走之次日三妾經行頗多如

注者兩點鐘之久又復因怒腹痛甚重天癸回歇盧姓醫進以活血行氣解鬱之

劑經脈復來些許又來白色者兩日而腹痛終未見輕竄脇痛甚似有如雞卵大一物又瀉完穀不化兩日進以鴉片烟得止余十八日返里脇痛愈又下大腹臍之兩旁腹皮高突臍兩邊痛不可忍日夜不止食物更劇唇白口淡舌無苔夜出虛汗腹滿堅硬兩手脈沉弗起右關沉緊堅牢乃太陰寒實所結重症所以此時服理中建中等不中也大便兩三日一行余仿吳鞠通法進天台馬藥散二錢加巴豆霜一分藥進辛苦萬分矢氣無數次日大下濁穢如黃白油者半罐脹滿略消堅亦略軟又進以炒白朮五錢川附子五錢麗參四錢乾薑四錢草菓二錢丁香三錢炙草一錢厚樸二錢木香錢半服三劑又下白色堅球三四枚腹脹消去八成痛亦稍愈仍然按之堅食物尙痛痛在全腹不專在臍兩旁矣腹時悸又服三劑大便仍有白色濁穢又因怒鬱犯肝氣竄痛右關仍緊左關沉弦而澀滯經期將屆又進理中加丁香附子肉桂歸身柴胡香附白芍青皮服之照舊惟肝氣不痛矣而腹痛雖輕依然堅硬行走僂右關雖略有神沉取仍堅緊經期已屆

兩尺緊肝脈澀乃進以全當歸五錢川芎三錢焦白朮三錢阿膠四錢川續斷四錢香附三錢桃仁三錢五靈脂二錢牛膝三錢附子三錢肉桂二錢蘇木錢半兩劑病無增減惟月信已來多寡照常又進以麗參四錢生白朮二錢蒼朮二錢乾薑三錢附子三錢炙草一錢歸身四錢公丁香二錢二劑減丁香一錢加陳皮一錢茯苓三錢再方麗參四錢生白朮五錢炙草一錢乾薑二錢附子二錢草菓三錢檳榔二錢服二劑病均見效惟氣虛勞動氣喘心跳四肢無力終日喜睡當是脾虛不振也

高麗參	二錢	炒白芍	三錢	青龍骨	四錢	炙甘草	錢半
炙黃耆	五錢	桂枝尖	二錢	真錫糖	三錢	當歸身	三錢
酸棗仁	三錢	煨薑	三片	大棗	三枚		

服五劑諸恙均痊接服歸脾丸

小眼角時常流淚夜間赤澀作癢流淚左右更移兩關弦細陽明空虛肝陽上擾調

補肝胃

當歸身 三錢 炒白芍 三錢 炙甘草 一錢 川杞子 五錢
雲茯神 三錢 桂枝尖 一錢 柏子仁 三錢 炙黃耆 四錢
羚羊角 一錢 桂圓肉 三錢

腎虛濕蘊時常流濁利濕傷陰補腎調濕脈來沉細而弦治必用金石之品直達至陰之地方能益腎除濕

眞珠 一錢 雄黃 五分 梅冰片 五分 牛黃 五分
琥珀 二錢 象貝母 二錢 硃砂 一錢 青黛 五分
生地汁 八兩 飛羅麵 五錢 人中白末 一錢
打和爲丸每服十丸開水送下

郭炳堂如君 二十餘歲體素強忽然脚心癢不可忍心裏煩躁不堪自欲投海懸樑診其脈惟左手尺寸略見洪數此外又不見別病徧查方書不識病名惟憶經

云諸瘡痛癢皆屬於火知其爲火無疑脚心爲湧泉穴屬少陰想必係腎火下泄爲癢上浮而爲煩躁也欲用知柏八味則不宜於心欲用犀角地黃則恐其引熱入榮而爲癩疹遂單用元參一味取其直入少陰用至一兩五錢服後一點鐘久其癢止煩躁已退越日身有微熱再用元參知母黃連黃芩一服而安愈後某以爲神奇殊不知症本變幻無窮總不離於六經分經治症萬無一失因憶及孟英案中治陰虛火炎面赤如飲酒用一味元參湯亦卽此意耳

李菊蓀 診得六脈浮大而不弦身熱手指手背微腫指節微紅手足不能動搖微溫此風中經絡熱痺症也亦謂之行痺亦謂之白虎歷節方書多作寒治不知南方氣濕積濕化熱風熱相搏邪氣與正氣相激而痛若不痛則正氣衰症必纏綿難已矣葉氏及條辨有熱痺方論俱遵內經熱淫於內治以甘寒法更加通絡藥數服痛卽止若用風藥及行氣燥藥一定痛不可忍屢試之矣然風主動以靜息之若用風藥及行氣則動其風煽其熱所以加痛也

細生地 三錢 海桐皮 錢半 絲瓜絡 二錢 元武板 四錢

欽石斛 四錢 生薏米 五錢 木防己 二錢 川貝母 三錢

生薑黃 一錢

又

茅根 六錢 虎骨 五錢 貝母 二錢 北杏 三錢

生地 四錢 雲苓 三錢 元參 三錢 龜板 四錢

木通 二錢

霍亂誤治辨論

歲在壬寅天時不正霍亂盛行適余在滬目覩死亡相繼殊堪憫目其間死於病者半死於醫者半良由乾濕不分閉脫未明也近閱報端所登各方皆未允當蓋緣同道各公誤於俗見將痧字一字橫亘胸中症則閉脫不分藥則香燥競進將治乾霍亂之法以治寒濕吐瀉之霍亂是指鹿為馬張冠李戴也殊不思吐瀉之餘焉有餘

氣受此香竄辛通破耗之品不死何待良可慨耳按霍亂一症王孟英論之最詳而玉衡一書亦極詳明然於寒濕一門仍略蓋吐瀉不出轉筋腹絞是乾霍亂卽俗所謂弔脚絞腸痧症是爲閉症玉衡方法宜之近來時行之霍亂吐瀉不止危在頃刻是爲寒濕霍亂脫症是也與閉症治法天淵懸殊癘螺者脾氣塌陷腹不甚痛正不敵邪汗出厥逆目陷陽氣將亡之徵病由伏邪所感發非盡關疫氣之傳染脉非弦大而虛卽沉伏而緊所謂伏者正氣沉伏之伏非伏閉不通之謂也治以理中四逆爲主方而吳萸伏龍肝爲方中必不可缺之藥轉筋加木瓜以和肝腹脹加雞內金發熱加桂枝氣滯加砂仁倘藥不能入急用豬胆汁一個生和入藥爲引藥候冷服取同氣相求之意一切香燥行氣之品切勿妄加以速其死尤禁米粥有一粒入口仙丹莫救之戒卽愈後亦須間一晝夜方可見米特擬證治方論以爲同道者告俾臨症知所指歸則幸甚矣

黑附子 四錢 炒白朮 四錢 炮乾薑 五錢 泡吳萸 三錢

伏龍肝 八錢 高麗參 四錢 炙甘草 三錢

如亡陽汗出改用人參三四錢更妙無力之家麗參即用防黨一兩亦可亡陽去
吳萸加牡蠣二兩病重附子可用生者藥不能入非胆汁不為功藥之分兩仍須
臨症視病者強弱輕重以為增減未可拘守此症來重變速用藥不當誤人性命
醫固醫之罪而分兩太輕心存探試轉瞬病變莫救亦係醫之罪也

王書年世伯發熱微渴面垢汗出便短神昏呻吟聲細左手脈細右手脈大寸甚
大風溫犯肺誤服小柴胡湯犀羚等藥幸未引邪逆傳始終尚在肺耳

冬桑葉 川貝母 北杏仁 川石斛 淡竹葉 飛滑石

大生地 乾梨皮 鮮葦根

陸觀察脈弦細如絲咳吐稀涎味鹹臍上氣冲即嗆咳時有喘狀已延數月醫者

束手內經論咳篇最詳今參脈象症狀殆腎咳歟按經治病當不謬耳

蛤蚧尾 一對 女貞子 四錢 雲茯苓 三錢 乾杞子 五錢

乾地黃 四錢 南杏仁 三錢 沉香節 五分 川貝母 二錢

破故紙 錢半 胡桃肉 二錢

十劑後愈其半囑日以蛤蚧一對杞子五錢連服數十次遂痊

王 風溫咳脈右大輕清宣揚解之

冬桑葉 三錢 南杏仁 三錢 南沙參 三錢 瓜蒌皮 二錢

乾葦根 三錢 生甘草 五分 川貝母 二錢 雪梨乾 三錢

脉細緩呆坐不言呼十聲應一聲細如虫鳴不知飢臥則需人扶而後能起參諸脈症暑濕爲患蓋以濕之中人如油着物不能驟去治不得法變癱瘓勞瘵者多矣此薛生白先生所以著濕溫辨論嘉惠後學誠非淺鮮

白蔻仁 一錢 雲茯苓 三錢 冬瓜仁 三錢 川厚朴 錢半

扁豆皮 三錢 木防己 二錢 生薏米 五錢 川石斛 四錢

飛滑石 二錢 大豆黃卷 三錢

王可莊年伯 脈來二至面青白曲身僵臥手足痛至不能轉側寒痺虛症應遵立
齋溫補通絡法以通則不痛耳

黑附片 四錢 雲茯苓 三錢 高麗參 二錢 炙甘草 錢半

炒白朮 二錢 酥虎骨 四錢 川獨活 一錢

四劑已愈其半但陽明脈絡空虛照方減去附子獨活加桑寄生牛膝服二十
餘劑始能行動再用四君加當歸狗脊虎骨鹿筋木瓜杜仲杞子續斷等十餘
劑收功

王翁 兩手寸關浮大而數尺部沉微不見此即經所謂五志過極水火相離陽
浮陰脫并詢初起時先二日見頭暈眼花及卒中不省人事手足不能轉動兩手
足俱有煖氣脈症相參其爲類中無疑此乃老年腎水虧虛肝風內動因而上逆
即西醫所謂血冲腦氣筋以陰不能維陽而上厥也若遇時醫必進以小續命及
熟地參附桂茸等藥不死何待此靈胎先生所云以辛熱剛燥治之固非以補陰

滋膩治之亦謬真卓論也大劑養血熄風鎮逆自是正治

酥龜板 八錢 生牡蠣 四錢 大蟬衣 一錢 乾地黃 四錢

生龍齒 三錢 女貞子 四錢 甘菊花 一錢 靈磁石 五錢

舊熟地 三錢 烏豆衣 三錢

一劑即清醒及後再見物件俱覺其自能旋動而頭不暈前方加烏梅連進十餘劑而痊

劉信翁 患感寒熱獨發於午後脈浮弦尺甚頸強硬不能轉側仍以太陽論治進桂枝湯加羌活細辛一劑而痊

沈綠屏年伯 兩腳軟弱不能行走病經兩月診脈浮緩蓋以浮為肺脈緩為熱也正合經云肺熱葉焦則生痿躄是也

真虎骨 冬桑葉 天門冬 欽石斛 整玉竹 淮山藥

川牛膝 川續斷 川地骨 宣木瓜

進六劑漸能立減地骨加杞子女貞子桑寄生再服六劑能行十餘丈接服丸藥而痊

丸方

虎骨 川牛膝 杞子 石斛 天冬 桑寄生

杜仲 木瓜 黃柏 女貞子 知母 甘草

爲丸每服五錢

臍下小腹積如雞卵日見其大雖能左右移動仍不離小腹部位兩年來攻伐消水迅利之藥服之殆遍病未能除元氣大傷每月例脹一次不治亦能自消診脈沉弦而牢石水爲患宜進眞武湯王道緩攻之法

雲茯苓 三錢 生白朮 二錢 炒白芍 三錢 熟附子 二錢

大生薑 三錢 甘遂末 一錢

連服五六劑其積略小再加腹皮三錢間日一服其積漸消七八僅如酒杯大

嗣去腹皮甘遂十餘劑而痊

鳳樓 腹痛每發於午後晚間得食更劇行氣消導服之無效脉弦數右關甚病發於肝逍遙是議

軟柴胡 五錢 木香 八分 酒芍 三錢 鬱金 錢半

全當歸 錢半 益母草 五錢 於朮 錢半 胡連 一錢

青皮 一錢 生甘草 七分

脇下竄痛每夜骨間發熱舌紅口乾左關弦數熱在血分以清骨飲立局

銀柴胡 二錢 酥鱉甲 三錢 小青蒿 二錢 胡黃連 一錢

川地骨 三錢 肥知母 三錢 大秦芩 二錢 粉丹皮 二錢

炙甘草 八分 川棟肉 二錢 延胡索 二錢

熱多寒少瘧起肩臂骨節煩痛嘔渴脈浮汗多進以桂枝白虎三劑霍然皖南周澂之謂凡瘧須問寒自何起最爲要訣起四肢屬脾起腰脊屬太陽久病屬督屬腎

起肩脇屬肺起心中屬三焦包絡陰瘡多因寒濕下受由太陽入督也余按南方
正瘡甚少大半溫熱暑濕痰食居多醫者猶拘執不化即定小柴胡爲主方余目
覩治誤者不可數計葉案瘡疾一門獨具心法誠補前人所未備王氏孟英治溫
暑痰熱之瘡尤屬卓出羣輩明如靈胎修園猶執柴胡爲主藥謬斥葉氏之非甚
矣哉醫道之難也卽如此症陽明暑瘡顯然前醫已進小柴胡加青皮草菓數劑
矣殊不思柴胡最剗肝汁青皮破氣發汗草菓乃通陽切藥脈遲來晏邪已入陰
須用此升之使出以此等方以治陽明暑瘡是速之斃也荒謬可笑因并記之

陳 婦 肝脾氣鬱丸方

薑 黃 五錢 蒼 朮 二兩 甘 草 五錢 香 附 五錢
枳 實 五錢

共爲細末薑汁合蜜各半丸小小丸每早送下三錢

痰閉肺絡失音擬清音丸緩攻

桔梗 五錢

訶子 五錢

甘草 二錢半

礪砂 錢半

青黛 錢半

冰片 一分半

細末爲丸龍眼大每早晚含化一丸

又

蒙石 二錢半

風化硝 二錢半

硃砂 二錢半

沉香 錢二分

正珍珠 錢二分

牛黃 三分

冰片 三分

爲細末天麻煑汁丸如芡實子大每竹瀝薑汁一滴送下三丸

兩關脈滑胆胃不和痰熱內滯夜聞心惕多疑不眠宜進溫胆以利導之蓋腑以通

爲補耳

酸棗仁 三錢

茯神 三錢

五楞子

五錢

廣橘皮 錢半

竹茹 三錢

炒秫米 三錢

枳實

七分

製半夏 錢半

瓜蒌皮 四錢 萱花 四錢

王嫂 因驚得奔脫症三年之久百藥罔效良以金匱以下諸書治奔脫各方施諸今時無一應者亦古今病因方域異耳擬方數劑其病若失

桂枝尖 三錢 代赭石 六錢 半夏 二錢 焦白芍 三錢

旋覆花 三錢 生薑 二錢 炙甘草 錢半 白茯苓 三錢

黑棗 三枚

吳婦 左關尺緩陰虛水不涵木晨起頭痛滋水養木參以鎮潛之品

乾地黄 四錢 粉丹皮 錢半 靈磁石 五錢 建澤瀉 二錢

雲茯苓 三錢 生石決 八錢 山萸肉 二錢 淮山藥 三錢

杭甘菊 三錢 酥龜板 四錢

林婦 白帶年深八脈不固肝腎久已損傷所以週身腰膝筋骨空痛汎事愆期培固根本枝葉自榮勿徒見病治病迄無成效脈細數用苦堅固瀉法

漂蒼朮 三錢 川杜仲 四錢 阿膠珠 四錢 黑黃柏 二錢
黑當歸 三錢 金毛脊 四錢 何首烏 五錢 海螵蛸 六錢
芡實肉 四錢 炒山藥 四錢

王 兩骹痺痛痠軟脈沉緩而澀驅風祛濕宣絡爲主所謂通則不痛耳

防己 二錢 薏米 五錢 獨活 二錢 生者 四錢

蠶砂 三錢 知母 二錢 桂枝 三錢 蒼朮 三錢

通草 錢半 薑黃 二錢

再診諸症未有增減應進溫通補血之劑亦治風先治血之意也

生黃耆 五錢 木防己 錢半 骨碎補 三錢 桂枝尖 一錢

大歸身 四錢 金毛脊 四錢 川續斷 四錢 元武板 八錢

白蒺藜 五錢 厚杜仲 四錢 川羌活 一錢 虎脛骨 五錢

脉滑數胸膈痞惋夜不能寐口渴便結經云九竅不和皆屬於胃宣痞和胃豁痰爲

主

瓜蒌仁 四錢 川貝母 三錢 郁金子 一錢 白茯苓 三錢

竹茹 三錢 製半夏 錢半 舊枳實 一錢 鮮石斛 三錢

醋薤白 二錢 秫米 三錢

按陽明脈環耳前後少陽脈下耳後耳後各經疼痛按之不堅痛叫不止食廢便閉脈浮大而弦按之無力此陰虛之體風熱發於少陽陽明有陰潛陽佐以通降六腑以通為補經云在上者引而下之是其治也

生首烏 八錢 川牛膝 二錢 人中黃 一錢 元武版 五錢

鮮生地 一兩 瓜蒌仁 三錢 浙貝母 三錢 鮮菊葉 三錢

夏枯草 三錢 苦丁茶 三錢

李 暑濕水瀉腹痛惡心疏補脾胃佐以祛濕和中

蒼朮 炒薏米 茯苓 半夏 木香 白扁豆

黃 妓 尿血澀痛左關尺滑數肝腎熱蘊治以苦鹹寒劑

大生地 四錢 酒胆草 一錢 鹽黃柏 二錢 甘草梢 錢半

粉丹皮 三錢 赤芍藥 三錢 車前子 二錢 當歸尾 錢半

黑山梔 二錢 犀角屑 一錢 澤瀉片 二錢 陳藕節 三個

楊 順 受暑挾濕頭痛口渴便赤惡心發熱擬新加香需飲辛溫複辛涼法

小川連 金銀花 淡竹葉 紫厚朴 扁豆皮 川香薷

連翹殼 鮮荷葉 藿香梗 益元散

脈沉微腹痛嘔吐胃陽虛微濁陰上逆溫中降逆祛寒主之

高麗參 四錢 茯苓 三錢 炮吳萸 三錢 生白朮 四錢

乾 薑 三錢 代豬石 四錢 炙甘草 二錢 半夏 四錢

川厚朴 錢半

溫邪鬱肺痰滯腥濁鼻塞不聞香臭應以麻杏甘石加減宣通太陰俾鬱熱得以外

透

苦杏仁 川麻黃 生石羔 牛蒡子 香白芷 生甘草

浙貝母 香青蒿

又 鼻塞漸通痰涕腥濁未除仍以前意消息之

生石羔 冬桑葉 瓜蒌皮 薏米 荷桿 生甘草

淡竹葉 干葦根 知母 辛夷

下元水虧肝胆陽氣挾內風上騰不熄進和陽潛鎮方法

生白芍 三錢 生牡蠣 四錢 東阿膠 四錢 乾地黃 錢半

寸麥冬 三錢 巨勝子 三錢 酥龜板 六錢 炙甘草 二錢

石決明 六錢 白茯苓 三錢 青龍骨 三錢

又

炙甘草 二錢 東阿膠 三錢 青龍骨 三錢 乾地黃 四錢

黃 妓 尿血澀痛左關尺滑數肝腎熱蘊治以苦鹹寒劑

大生地 四錢 酒胆草 一錢 鹽黃柏 二錢 甘草稍 錢半

粉丹皮 三錢 赤芍藥 三錢 車前子 二錢 當歸尾 錢半

黑山梔 二錢 犀角屑 一錢 澤瀉片 二錢 陳藕節 三個

楊 順 受暑挾濕頭痛口渴便赤惡心發熱擬新加香需飲辛溫複辛涼法

小川連 金銀花 淡竹葉 紫厚朴 扁豆皮 川香薷

連翹殼 鮮荷葉 藿香梗 益元散

脈沉微腹痛嘔吐胃陽虛微濁陰上逆溫中降逆祛寒主之

高麗參 四錢 茯苓 三錢 炮吳萸 三錢 生白朮 四錢

乾 薑 三錢 代豬石 四錢 炙甘草 二錢 半夏 四錢

川厚朴 錢半

溫邪鬱肺痰滯腥濁鼻塞不聞香臭應以麻杏甘石加減宣通太陰俾鬱熱得以外

透

苦杏仁 川麻黃 生石羔 牛蒡子 香白芷 生甘草

浙貝母 香青蒿

又 鼻塞漸通痰涕腥濁未除仍以前意消息之

生石羔 冬桑葉 瓜蒌皮 薏米 荷 桿 生甘草

淡竹葉 干葦根 知母 辛夷

下元水虧肝胆陽氣挾內風上騰不熄進和陽潛鎮方法

生白芍 三錢 生牡蠣 四錢 東阿膠 四錢 乾地黃 錢半

寸麥冬 三錢 巨勝子 三錢 酥龜板 六錢 炙甘草 二錢

石決明 六錢 白茯苓 三錢 青龍骨 三錢

又

炙甘草 二錢 東阿膠 三錢 青龍骨 三錢 乾地黃 四錢

寸麥冬 三錢 生牡蠣 四錢 生白芍 三錢 火麻仁 四錢

酥龜板 六錢 雲茯苓 三錢 浮小麥 三錢

又 不飢不納食物嘔吐大便乾燥右關澀左關細數胃脘清眞受傷腑以通爲補

甘濡潤胃氣下行稍參制木之品胃不受尅則清眞易復矣

麥門冬 四錢 黑芝麻 三錢 川石斛 三錢 生甘草 一錢

生扁豆 三錢 小胡麻 二錢 生白芍 三錢 冬桑葉 三錢

宣木瓜 一錢 浮小麥 三錢 南棗肉 三枚

韓 腿痛麻木上衝腰痛寒熱夜甚脈沉溫痛肝腎養血祛風

川附片 錢半 當歸身 二錢 桂枝梢 二錢 川牛膝 二錢

酒生地 四錢 木防己 二錢 西羌活 二錢 明天麻 三錢

川萆薢 三錢 眞虎骨 四錢 老松節 三錢

又

桂枝 三錢 杜仲 三錢 黑附片 錢半 歸身 四錢

桑枝 八錢 晚蠶沙 三錢 秦艽 三錢 續斷 四錢

金毛脊 三錢 虎骨 四錢 羌活 錢半

再診脈沉滑而結滯風痰入於肝絡鬱極化熱祛風豁痰佐以活絡搜逐下泄之法亦急則治標意也

胆南星 二錢 嫩桑枝 六錢 絲瓜絡 三錢 新竹茹 三錢

川棟子 二錢 陳橘絡 三錢 羚羊角 錢半 川貝母 三錢

大秦芎 二錢 白蒺藜 三錢 鮮竹瀝 三錢

另送下蘆薈丸三錢

王宅小兒 疹後暮夜煩熱口渴不飲不寐進以六味地黃湯覆杯則安

李春翁 左寸洪數小便澀痛淋秘尿血經云悲哀太甚則胞絡絕絡絕則陽氣內

動發則心下崩數洩血又云胞移熱於膀胱則癰溺血二者皆本於熱陳無擇以

心腎氣結所致誤也清心涼血瀉火通腑是其治耳應以羚羊角散加減

細生地 四錢 麥冬 三錢 青箱子 三錢 羚羊角 二錢

冬葵子 三錢 山梔仁 一錢 大青 錢半 龍胆草 八分

血餘炭 二錢 酒大黃 一錢

王鼎翁 固腎佐以扶脾

淮山藥 遠志肉 當歸身 甘杞子 剪芡實 川杜仲

製巴戟 烏魚骨 白茯苓 潼沙苑

孫春翁世兄 疹後午後咳右脈數用葉氏甘寒生胃津法

蔗漿 麥冬 沙參 地骨皮 玉竹 甜杏

甘草 菉豆皮

斐臣兄 膺腕僂懃脈右滑利多疑不眠姑從溫養清淨之府以利其無形之滯

酸棗仁 三錢 雲茯神 三錢 焦秫米 二錢 廣橘皮 一錢

瓦楞子 四錢 生枳實 八錢 製半夏 錢半 瓜蒌皮 錢半

金針菜 二錢 炒竹茹 三錢

脈沉遲痰喘肢冷乃水泛爲痰陰霾用事進以真武湯回陽鎮水二劑疾平以苓桂
朮甘善後之

王 婦 小腹濁部厥陰之地肝脉所絡痛滿脹閉便難溺秘肝木不主疎泄濁陰
痺塞不通桂附徒傷血液丐地呆鈍不靈衝任液枯氣滯辛通溫潤是議擬千金
緞鼠矢湯意以期以濁攻濁而不損傷陰氣耳

韭白根 三錢 小茴香 錢半 穿山甲 一錢 桂 枝 錢半

緞鼠屎 三錢 冬葵子 三錢 肉蓯蓉 四錢 歸 尾 三錢

脈滑暑濕內鬱秋後滯下紅白開降肺氣清利濕熱爲是

製蒼朮 二錢 廣木香 錢半 桔 梗 三錢 雲茯苓 三錢

扁豆皮 五錢 薏 米 四錢 川厚朴 一錢 苦杏仁 三錢

銀花 二錢
生甘草 一錢
川黃連 二錢

雪雅堂醫案卷上終